

空同集



二同集卷第三十四

七言絕句一百三十八首

正德元年郊祀歌十首

北郡李夢陽撰



戈馬喧喧動萬雷黃旗繞繞拂仙臺天上再開新日
月南郊不改舊蓬萊

漢家天子自天威春祀南郊春雪圍片片瓊花飄
玉路五雲偏逐來龍飛

壇官秉笏候金鐘月出西南照雪峰不向蓬萊看五
色那知天子是真龍

中壇日月照天門上帝龍行羽衛屯烟裏桂花旋玉
兔火開三足抱金盆

外壇羅列黃金榜海嶽齊開白石門直使衡山馳薊
域更看四海過崑崙

神來擊鼓復吹簧一道虹飛萬丈光閭闔清風搖玉
燭 至尊獨立殿中央

帝是高皇八葉孫隆準龍顏稱去聲至尊翠羽繽紛來
衆聖洋洋古樂亂雲門

漢主登封巨跡空諸山秦帝洞庭中何如黍稷天神
号萬歲高高大極宮

天馬元從天上落七星裝入寶刀頭壇空月照更衣
殿萬錦群中刷紫騮

金輿還內放人看萬戶千門震地懽繡扇徐開龍虎
氣 君身不動泰山安

帝京篇十首

古時灞水即蘆溝今代車書似水流日間五色龍文
氣天上春開五鳳樓

漁陽北塞古風沙二月春風萬柳斜薊門轉作長安
苑燕桃開出五陵花

慷慨燕雲十六州天門北極帝星頭胡塵一洗桑乾

淨萬載朝宗四海流

山作青龍左右盤扶桑西影拂桑乾日月光華朝萬國天留北海作長安

天皇按劍拂金鞍飲馬追胡翰海乾歸來並立擎天柱不數劉家承露盤

胡后粧樓換上陽春風珠箔舞垂楊半夜開城歸萬馬至今迷失幾鴛鴦

今朝望海海雲生五色雲中白玉城金陵巧接盤龍勢南北何如漢二京

塞上星飛化羽林鼓音咸作管簫音將軍把劍聞雞

舞五女朱樓學鳳吟

高鼻胡奴入漢關阜旗千隊射鵬還君看萬古昏星月洗出中華疊翠山

自從黃帝破蚩尤涿鹿雲黃黑帝愁盤石果然爲碣石幽州常作帝王州

皇陵歌

皇陵疊翠倚丹霄絳節飛光夜夜朝千古長風吹海月萬山松柏照空寥

傳聞

駕回有紀二首

正德年間作

正月傳聞大駕還七日已度居庸關鏡歌擬續之

回曲塞外應添駐蹕山

白城新起望夷臺
蕃鉞森森耀日開
六騾遠遁胡沙靜
六龍騰踏駕空回

聖節聞 駕出塞二首

千官北首望龍旂
萬國車書集鳳闈
八駿穆王秋色遠
幾時親擁白狼歸

萬乘時巡萬壽臨
鑾輿漠漠磧沙深
莽忘殿闕呼嵩日
應繫單于款塞心

正德七年正月黃河清自清河至於柳家浦
九十里清五日焉

黃河水自崑崙出萬古東流元不清今瑞定於今
帝應世人休擬聖人生

嘉靖元年歌二首

元年正月又王春四海人稱小
聖人已報岐山鳴
彩鳳更傳關內出麒麟

大明十帝轉神明天意分明賜太平
紫蓋復從嘉靖始
黃河先為聖人清
先是正德七年九年黃河連清今上入繼大統之兆

送樂清少府二首

羽騎駢驛簇晚洲
彭彭蕭鼓引官舟
為言獨對青松樹
何似逢迎綠水頭

鴈蕩山前海色開
樂清城在白雲隈
紅桃碧柳津津
勝笑舞歡歌處處來

贈黃州牧

黃州江比使君清
赤壁山留萬古名
黃州小兒騎竹
馬來時相送去時迎

送友人

王孫笑向碧山棲
春日春蘿裊裊低
予亦悠悠芳桂
者白雲愁色草萋萋

送周判官

明鐙綠酒五花裘
客舍新秋螢火流
問君不飲真何

事明日出城風葉愁

送人入蜀

錦江風高生夕波
蘆荻蕭蕭秋鴈多
問爾鄉關何處
是巴人時唱下渝歌

詠東方朔贈馬吏部

據地酣歌金馬門
如花少女笑無言
不是偷桃太無
那人間那謫歲星魂

王吏部惠太玄戲贈

吾家小子象童烏
蒙惠太玄文掌上
珠笑殺街西王吏
部今朝猶得酒缸無

月夜過訪王子

率爾高陽飲博徒
酣歌擊劍膽何麤
金門貴客如相許
徑脫鷄裘付酒壚

僕思李白落鴈之遊
徐子亦有知章鑑湖之請
念人悲離申此短贈
徐子者禎卿也

君擬天台度石梁
我歸沙苑望咸陽
予今夢寐蓮華岳
笑爾番耽瀑布長

朝陸子二首

松江陸子以予久不造過
遂蒙朝詠然陸子往許
以小楷南征賦賦我久亦
悵焉予故得反朝

戲之兼訊後約焉

甚欲來餐張翰魚口八
緣難換會稽書
西家愚夫莫浪
謔北海先生久索居

我今四海覓雲松
南遊笑指匡廬峰
他時倘慕金光
草與爾同鞭赤玉龍

晚過序公戲贈并喜徐編修縉迹訪二首

月滿長安啼暮鴉
踏歌今夜醉誰家
青蓮大士迎予
笑背指秋鶯度落花

長安大道竹林西
李白尋僧花下迷
舉杯恰對青天
月檻外驚傳碧玉蹄

夏口夜泊別友人

黃鶴樓前日欲低
漢陽城樹亂烏啼
孤舟夜泊東遊
客恨殺長江不向西

寄贈琪縣何氏夫婦

太峨西來通蜀門
瀘江北接武陵源
翁姑壽比江山

永縣北芙蓉似子孫

芙蓉山名

謝子饋笏答以駝布

交州象簡白雪光
美人持贈意何長
洮西駝布雖微
細被服能堪冷月霜

送王呈貢赴縣

二月扁舟過浙西
楚雲何日度浯溪
滇南小郭青山
繞花發流鶯一樣啼

寄錢戶部

春城雞啼月欲沒
西鴈東飛遲明發
風裏楊花不定
飛震澤迢迢限吳越

酬姚員外龍興見寄

龍興龍沙一里餘
江風吹落錦雙魚
君隨見浙潮湏盡
海赤霞飛袂過匡廬

贈丁生

海涼秋水淨芙蓉
青天倒懸五老峰
眼見排風生羽

翼行空那辨有真龍

別達生

醉約金山看海流與飛江漢忽西遊龍沙月色年年
滿獨照匡廬萬仞秋

寄別陶生

青雲峰下紫雲生中有花樹春鳥鳴聽鳥看雲一杯
酒菑廬回首萬家城

別李生

華也南來送我行青絲挈酒玉壺輕滕王閣下江干
尺一曲滄浪萬古情

贈鮑漱兄弟

水學青龍左右盤玉流雙瀉碧光寒蘭昆並占空山
月分掣虹霓作釣竿

贈劉君按察雲南

碧雞金馬古黔陽滇海秋搖日月光自此蠻中無毒
熱行臺六月有飛霜

送蕭總制赴鎮

漢家新拜霍嫖姚司馬今年相宋朝旌旗一舉三邊
靜鴈塞平沙演射鵬

送修武知縣

青山盤谷繞桑麻赤水河陽接種花
琴罷吏希簾晝捲自看雙柏哺慈鴉

贈李沔陽二首

雲夢茫茫繞一州滔滔江漢古今流
問俗不須乘五馬畫舫簫鼓水鄉遊

楚人抽棘霸江湖萬載孤城剖一符
從此沔陽爲渤海直教雲夢作蓬壺

寄郭帥

匡廬彭蠡兩蒼蒼月一部花城古豫章
誰信罷兵張宴地夜深偏醉郭汾陽

寄謝卿

柳一南還尚黑頭移家西郭興全幽
春晴定上滕王閣日暮江平起白鷗

贈陳氏

萬龍岡上古靈家男樂耕耘女績麻
客到大開萱草閣春風時動紫荊花

贈蔡帥

時清晝卧銅牙弩客散宵披玉檢文
可道將軍渾是武曾將三策獻明君

送王韜

王郎口談金虎文自稱師是紫陽君挂帆明日忽南
去影落龍江五色雲

贈羅氏

羅隱北下黃金臺牡丹芍藥次第開極目長江渺天
際八閩秋盡一帆迴

送熊進士入朝三首

武帝南征並海迴九天雲罕拂天來縹緲羣仙朝絳
節五雲宮闕是蓬萊
蒼蒼玄武鎮皇州天上銀河轉地流言君不是乘槎
者昨夜分明到斗牛

巖峩接鳳臺石渠高閣倚天開仲舒早備天人
策漢主臨軒問自裁

二月望丘翁林亭二首

今日花朝好風日梁園酒新花更開走覓南隣丘處
士月明騎馬醉深迴

南隣處士閉柴門竹樹春風野徑昏痛飲狂歌人不
識客來惟欲酒盈尊

東鄭生二首

東園紅杏日紛紛東望無烟蝶滿雲少出違期因怯
馬獨吟停盞爲思君

空齋集 卷三十四
城門春禁不行車病懼攀鞍只在家昨日東風來著
意庭前忽放數枝花

雨俟屠君不至

暮倚高樓因候客雨來如注復如絲試看春日洪州
道可是山陰夜雪時

寄顧台州二首

中山何似峴山游雲島長和海色幽定有兒童笑山
簡君今孰與鄭台州

惟爾分符坐赤城東南遙見海霞生
更春到煩求碧玉精

太白山人仙遊吳越稔矣日者卜居吳興而
婚施氏妻妹子聞之輒詩朝焉二首

范子無端出五湖西施並載有耶無詩人只合鶯鶯
伴施家今是大姨夫

見說仙人萼綠華萼綠華晉昇平中降羊權家麻姑亦降蔡經家

即防獅子河中吼背癢無言爪得爬

雲中曲送人十首

壯士驅車出漢關馬頭絲絡紫金環莽莽黃雲迷代
北淒淒白霧滿燕山

季冬飲馬長城窟沙磧飛揚帶白骨榆臺嶺邊聞鬼

帝猶是今年戰亡卒

黑帽健兒黃絡裘匹馬追胡紫塞頭相逢不肯通名
姓但稱家住古雲州

城上黃旗張暮天元戎宅內鼓闐闐底是隣悲并卷
哭雲州明日是新年

紫水東來入黑河紇干山下雪花多小兒攔街吹簫
築婦人能唱海西歌

白登山寒低朔雲野馬黃羊各一羣冒頓曾圍漢天
子胡兒惟說李將軍

自從虜逼鴈門關漢家四野多空壘行子遙遙看獨
戍桑乾水冰暮沙起

黃毛愛子出打圍昏宿李陵古臺下忽傳風火入邊
城城中將軍夜秣馬

戰士黃鬚立道傍自言曾射左賢王可憐孤績無人
論贈與青裘白馬郎

北風吹日馬毛僵腰間角弓不可張逢君莫唱雲中
曲臘月雲中更斷腸

對菊懷鄰菊子三首

巳巳年閏月

舊種寒株傍吹臺重陽今歲不曾開遙思爛熳還憐
汝欲比馨香恐見猜

睡起今晨看菊花霜枝冷葉忽參差非時未必輸桃李三徑遙憐是一家

爾家堂閣皆隣菊秋至滿地黃金錢不信南州能暑熱直將花葉破霜天

送吳生

吳子乘春東入吳飛花獻舞鳥提壺此去囑君多載酒直收春色過西湖

東園贈鮑演

修竹南牕花北牕翠陰濃色兩無雙隔城走馬催銀燭今夜留君倒玉缸

春日東庄要杭子

白首春風獨種瓜故人常恨隔天涯今游莫憚驅行遠十里柴門有杏花

東雙溪方伯

十旬不見雙溪子白晝看松只自眠君對紫薇誰是伴相逢還似未逢前

送人之南郡三首

梁園千古見風流醉上任樓復謝樓相遇片言心便倒腰間含笑解吳鉤

鼓刀朱亥本微寒白首侯嬴是抱關不爲千金增意

氣祗緣一諾重丘山
南陽帝里近親多岡勢盤龍繞白河便欲臨分留寶
劍方城漢水待鳴珂

陶子見過草亭遂以留雲名之大書刻木我
亭增色爰賦二詩酬陶亦兼自意

小構茅亭傍一松雲來雲去寂無蹤晴天戶牖濛濛
濕遂使人疑有卧龍

茅亭自得陶公筆盡日光芒動白虹山澤不煩通地
氣片雲時起墨花中

春日宴豫齋王子之第二首

紫宮華宴敞春風密樹初花日映紅向暮酒闌香不
斷始知春在綺羅中

迴廊曲榭稱春游綠酒紅花白玉甌借取遊絲繫西
日晚風吾上海棠樓

要謝憲使南庄泛舟

柳塢荷塘野意寬操舟曳杖獨遊難春來欲製東山
屐倘許花樽共謝安

江上逢鄭南溟

楊子灣頭紅蓼秋水邊樓閣樹邊舟一日長風破萬
里爲君三醉過瓜州

經行塞上二首

山作垣籬海作池，彎弓百萬羽林兒。
桑乾化作銀河水，北極光芒夜夜垂。

天設居庸百二關，祈年更隔萬重山。
不知誰放呼延入，昨日楊河大戰還。

歸途覽詠古蹟并追記百泉遊事八首

太行王屋是天關，吐出風雲天地間。
河內休誇盤谷勝，共城亦有石門山。

華山中斷濁河開，浪打雷門勢莫迴。
已剷潼關爲漢堠，更分仙掌作秦臺。

雷首千峰錦削成，蛇盤千里翠雲生。
即從北岳分胡去，便壓遼陽跨海行。

西山西望自堪愁，耐可源泉向北流。
不見玉臺歌舞處，可憐昔日帝王州。

昔日武王東閔師，龍爭虎鬪至今悲。
漂血化爲商地水，白雲翻作孟津旗。

淇門不減越江頭，衛女寧論越女游。
濮上春花如錦繡，桑中五月採蓮舟。

河濟誰言不共流，青春惡浪古懷州。
蕩搖少室三花樹，倒映天壇白石樓。

峩峩丹崖倒碧松懸泉一道挂飛龍閑磨石鏡驚山
鳥映出青天對雪峰

望上清山三首

赤城龍虎紫雲盤白石樓臺北斗壇聞道仙牀啼玉
女欲從何處問金丹

碧山新起赤霞宮玉帶真人曉御風金檢奏回天一
笑九霄來往鶴如虹

星妃雲君雲霧鬟何事塵遊棲碧山昨夜昇天朝北
斗珮環清響落人間

望龜峯

曾會汪家賢弟兄三年獨見忽心驚順風斜日飛帆
度三十六峯無限情

杜峯歌

杜山曾有鳳來鳴鳳舞山青海月明傳道有人回峯
去九天風散玉簫聲

舟次石頭口

牕開面面水風微五月江空冷照衣此艇果如天上
坐茶烟化作綵雲飛

登嘯臺三首

陽翟看山二月迴蓬池登嘯九天開曉立長風搖海

色東西日月照孤臺

萬古春城碧草還蒼臺只在白雲間竹林北望風烟
動寂寞蘇門更見山

白日紅雲拂地流醉鄉吾亦步兵遊登臺左盼黃河
轉綠水洪波不盡愁

夏日閑宴

地曠樓雄夏日宜碧梯芳樹繞花遲清歌不用邀明
月一笑山河入酒卮

春日丘翁同遊三山之陂返酌天王寺二首

崔嵬良岳他年笑寂寞三山後代思湖色春光淨

眼古城風暮幾人悲

一樹穠花白雪繁紛紛落地竟何言眼底風光不須
恨相期且醉給孤園

太平寺

曾在東林思虎溪太平徒在玉淵西孰能勛力長攀
陟石壑長林日易低

山閣

憑闌橋樹渾鋪地閣背青山前對樓既來誰耐簷泉
聒卸却長槽莫放流

麻姑泉

何泉下山城下流溪上十家九酒樓老夫縱醒欲何
往此物名高十二州

靈山

實欲看山霧不開幾層仙掌似蓮臺未應華岳君能
比可詫予因望國來

徐汭即事四首

壺頭江水又江頭挾柁拋綸雨不休瑣屑漫相誇捷
手蛟龍局淺豈渠遊

桃花潭前雪弄姿楊柳灘頭柳不遲着心蝦蟇章江
出章江只解產鷓鴣

北船阻風晴未放數舸南來却任飛扶柁長年頻看
眼浪翻江又趙家圍

忽吟水宿淹晨暮七日壺頭行路難拚弄碧波消北
雪豈期蒼髮且南冠

湖行二首

湖南鷗雁交鷺鷥鳴榔漁子羨鷓鴣逢潭更見孤鷺
守可道鄱魚無盡時

白雪今晨亂碧波禿鷺風趕逐天鵝搶帆額及誰家
舸逆浪爭先爾謂何

城南塘汎舟二首

短短桃花亦自春
隔牆飛水太驚人
沿洄不怕漁郎入
小小溪塘不是津

野曠風驚強入舟
鱗鱗浪處轉堪遊
持杯只對雙楊樹
惟爾飛花汎汎流

春暮過洪園二首

峩冠白首戀心金
魚甲冑紅顏水竹居
牆上父懸平虜

劔牀頭新畧種桃書

出林春筍故當門
榆莢楊花亂撲樽
客到前庭疏聊作
饌近城栽柳自成村

空同集卷第三十四

空同集卷第三十五

北郡李夢陽撰

七言絕句一百四十首

白鼻騮

羽箭銀鞍白鼻騮
春日徐行踏落花
揚鞭突入章臺去
背指垂楊問酒家

少年行

漁陽突騎幽并兒
彎弓射獵南山陲
橫行未遂爲人下
意氣憑何結主知

春遊曲二首

騮馬銀鞍金市頭都門掣電落花流揚鞭笑指胡姬
肆轉拂垂楊向玉樓

大道紅樓珠箔垂風起楊花欲暮時胡姬半醉半
面惱殺幽州遊冶兒

絕句

將軍鐵騎戰金微八月長安盡搗衣砧聲欲落三更
月翡翠樓頭鴈却飛

壽歌二首

沙溪三月杜蘭香錦浪千層碧玉光勝日賓筵開
瑁檻花飛入萬年觴

門對黃山第幾峰翩翩白鶴舞青松玉童來授軒轅
訣素女邀乘赤色龍

松鶴壽歌

松梟石門千仞開天風吹鶴下瑤臺傳書爲問西王
母別後蟠桃熟幾迴

夷門十月歌

小麥青青水半陂半落不落楊柳枝回風忽送天南
鴈恰似春江二月時

黃河風雪詞

渺渺黃河風雪生雲愁海思不堪行陽春白雪非難

空同集
和公無渡河無限情

異景

異鄉異景客中身
秋雨秋烟無那春
梁園八月如三月
笑殺桃花更笑人

暮春余庄

暇即來遊困即眠
玉盃長醉彩雲前
春風暮起楊花亂
疑是梁園雪裏天

潯陽歌

百尺高樓橫映江
江花及朶照成雙
風波隔浦遙相喚
腸斷南來北去艤

汴中元夕五首

花燭沉沉動玉樓
月明春女大堤游
空中騎吹名王過
散落天聲滿汴州

玉館朱城柳陌斜
宋京燈月散烟花
門外香車若流水
不知青鳥向誰家

中山孺子倚新妝
鄭女燕姬獨擅場
齊唱憲王春樂府
金梁橋外月如霜

四海烟花逢上元
中州行樂競千門
大江不辨魚龍戲
珊瑚寶玦是王孫

細雨春燈夜色新
酒樓花市不勝春
和風欲動千門

月醉殺東西南北人

七夕

雲寂露涼叢蕙悲意銜情恨隔年期殘機夜歌金縷
度怨女啼春玉箸垂

獄雨二首

冷雨橫天八月來黑雲來往赤雲開潯陽李白何如
此宋玉悲秋未是哀

雨打潮門流海烟隨風散落鳳城前愚臣獨抱枯魚
泣何日金雞下九天

諸將八首

穆張亦是梟雄將膠柱談兵實可憐力屈殺身同一
地喪師辱國在今年

諸將才猷豈盡竒大都力戰各乘時黃毛近怕莊游

黑面休誇李太師

說當時掃地王威名朔漠陣堂堂自稱大將張旗
鼓首控驂騮出戰場

但富黃金與白珠登壇擁衆鎮邊隅即使勉攀貂玉
貴終然不類將門趨

國公承襲惟統袴侯伯雖多大抵同舊典此中掄大
將平江英保是元戎

紫塞長城萬古悲，
斬一山還復見今時。
驟歎祇益輕專制，
老耄何堪銳出師。
天下軍儲盡海頭，
材官郡國徧防秋。
若道成功無造偽，
豈應屠賈坐封侯。
黃河青海入狼烟，
漢將胡兵殺氣連。
安得即時尋魏絳，
務農休甲報皇天。

憶昔六首

已已蒙塵數郭登，
馳驅國難有餘弘。
如今豈之熊熊輩，
比較元非擊搏能。

北望黃雲想翠華，
千官徒跣哭山崩。
笳安危社稷誰司

馬天下車書又一家

石亨善戰真無比，
跋扈飛揚却累身。
佩劍豈宜恩死士，
拖金終要作誠臣。

王宏犯闕雖愚，
賢舍人即臨危亦丈夫。
猶勝鬚眉爲婦女，
更憐冠劍學兒徒。

吉祥寵幸反稱兵，
一夜達官塵滿城。
悖逆天誅終不赦，
此曹王法更須明。

半夜飛章入鳳樓，
寇公流血李公憂。
爾曹作逆同蒿草，
臣節江河萬古流。

京師春日漫興五首

空同集
十日不出花盡開城南城北錦成堆即教閉戶從花
盡莫遣看花不醉迴

杏花盈盈大逞姿桃花灼灼亦不遲縱饒種露栽雲
地可柰風狂雨驟時

東門百花紅照天獨樹梨花更可憐但看絃管朝朝
急不道春風不費錢

今番花開委難當眼見稀疎葉欲長春光幾朝不一
醉爲問汝曹因底忙

西湖湖上楊柳枝臨流嫋娜風更吹切防白雪漫天
舞莫放黃金拂地垂

牡丹五首

亂絮繁華春更烟一枝嫋嫋獨風前玉園忽漫無顏
色徐步看君却自憐

若使姚黃無魏紫孰容傾國復傾城接枝一任今人
笑不墜花王萬古名

莫道清平調獨狂牡丹元不與昭陽後來亦是先花
葉誰醉君王玉笛傍

秦地洛陽俱寂寞圃開周國復天香童時及見流傳
譜萬意千心足斷腸

漫山故國花無數客舍河頭今數株絕代色孤終不

掩丹葩綠葉錦心須

郊園步花二首

常苦出城花不開
花開今日共風來
亦知誰便渠能
主獨步徐看數十迴

即使憐花何恁苦
不如開落任風吹
花開花落從渠
得柰記栽桃種柳時

步庭中海棠下四首

買宅兼花事亦希
樹成春足主人歸
花開已詫臙脂
透葉展還驚翡翠圍

若較梨花憎太白
縱多桃李葉全無
何如翠袖紅粧
的的黃鬢錦瓣扶

獨恨無香恐未真
紛紛蜂蝶底相親
俗傳定欲燒銀
燭絕代誰爲照睡人

沉香亭上已多懽
夢入昭陽月色寒
若使天香亦傾
國君王應更倚闌干

詠庭中千瓣榴花三首

藥欄爾後花希賞
日日東齋只困眠
每易庭榴樹底
小一朝開亦照高天

的的朱榴夏始成
水簾冰簟益分明
偏枝不動宜雛
燕接葉時被稱小鶯

萬辨千鬚始一花
纍纍應只爲年華
春風無限傾城夢
結實誰真取世誇

雪中見枯樹似梅二首

憶在江南梅照眼
幾年繁葉失溪雲
如何枯樹尋常見
一雪垂花朵朵分

可向繁枝問假真
紛紛過眼即飄塵
東風一夜高樓
遂亂落江梅誰奈春

喜雨三首

破到榴花今日雨
向來紅紫可憐吟
蝶沾蜂濕徒增
杏綠梅黃亦此心

二麥臨洲半欲黃
一夜生長誰禁當
揮鋤荷笠能辭

苦浪潑雲翻慮爾忙

水缺沙乾燕只忙
交交鶯羽閃無光
今辰底恁穿楊
急拍拍卸泥向我堂

夷門曲二首

黃河岸頭多客船
大堤小堤楊柳烟
獨樹花開特造
次隣家香醪不索錢

南堤二月杏花紅
北堤高樓紅映空
珊瑚寶玦誰家
子繫馬門前青樹中

新水至二首

桃花照水楊柳長河水新添一尺強昨夜舳舻銜尾
至不是魚航是酒航
時和驛邊河水流康王城近舍西頭青蘋兩眼汀洲
裏芳草連天無那愁

狂風三首

狂風吹柳裊裊長杏花落地如白霜後來好花開細
細昨朝風惡更難當

來禽青李不須猜一日一夜桃花開朝來春風休更
惡枝頭綠葉暗相催

新築茅齋近北堂喜有楊柳千尺長不爭一朝風折

盡赤日炎天何處涼

河上

河上昨宵風勢惡狂花不敢更高飛農夫日望甘霖
至估客深愁逆浪歸

雜詠

春盡梁園花不稀隨風片片坐人衣丁寧百舌渾休
語渡莫林鶯且自飛

觀小兒吟詩戲作絕句

關中韋杜世稱豪王謝江東底更高蘭若翡翠空啾
唧蕭蕭雲鴻萬里毛

東園花樹下二首

夜來睡美春風顛朝望大梁花滿烟錢家東園好李
樹堪可鋪排無酒錢

今年春色太無賴千樹萬樹花分明便學少年出走
馬更拋香彈打流鶯

登臺

梁孝臺前白杏花眼看風落散晴沙黃鸝恰恰誰爲
侶紫燕飛飛自作家

聞桃花盛開

不及東園紅杏時梨花懊惱太開遲即防桃李紅款

眼更打黃蜂也吳近枝

張池去日即事

東門野塘花樹紅昨日不風今日風倒着接羅習池
上狂調生馬竹林中

漫興二首

白水蒼山萬里身詠花吟鳥百年人城門此路憐芳
草盞酒他鄉不是春

楊柳春江對自流清沙白石伴誰遊弋人莫羨能鳴
鴈海叟虛疑不動鷗

錢園二絕句

去年錢園萬李樹落莫今春只數枝多應斬伐貧人
賣豈復能思爛熳時

牆東李樹太含胡院背天桃斬不枯及早榮枯休浪
擬趁時車馬自應趨

城南別業

傍塹沿堤二里餘柳牆茅屋此成居浣花便擬吾何
忝獨愧窮愁懶著書

春日豫章雜詩十首

東角樓東寒食日吾家海棠雙樹花忽憶花開吾在
此豫章寒食獨思家

濃花今有無舊趨北闕憶西湖垂楊畫鷁金

風三月烟花滿上都

母愛高樓畏獨來非關筋力怕徘徊江頭無限桃花
樹恰到來時滿眼開

江花照水兩三枝弄日吞烟是爾時不應春風與作
意挂斷低空百尺絲

東湖鷓鴣有幾歲踏浪爭花何恁遊可憐汝輩異情
性拄杖獨看春岬頭

爛熳誰家臨路枝留連蜂蝶過相疑行人莫羨渠能
主落水沾塵會有時

江南春事殊懊惱
玉雨十風常不晴
今日大開聊一望
却憎花柳太分明
江北每嗔花不早
清明出郭始方菲
可道江西渾不冷
清明桃杏亦初飛

樹頭春鳥苦喧聒
欲打還留催好春
院裏八哥何事者
羣翔緩步不知人

苦吟實是被花惱
今日携壺何處傾
鳳凰洲前好揚柳
美日鳴舷渡莫行

漫興二首

城外清江城內湖
水門通貫古名都
魚跳浪闊終難

網鳥立沙長豈得呼

久雨今晴燕得飛
城中江畔步徐歸
烟花晚閣偏衝檻
柳絮晴橋故點衣

漁父

應手扁舟去若飛
回流撒網倏成圍
金鱗翠鬣心俱切
得意誰先蕩棹歸

新買東庄賓友携酒往看十絕句

芳園垂老漸為主
門巷開除即是家
不知櫻樹春能早
便把櫻花作杏花

園芳細認紛無數
大半朱英間碧林
寒蕊美枝惟恨

晚對花誰記種花心

年來好事推劉四酒興花情老獨濃最喜能移山菜

莉所嗟猶欠木芙蓉

黃鸝故轉千頭柳白蝶能穿百結花敢道牆榆渾不用新巢樹樹可慈鴉

今春自買城東園暇即郊行不憚煩不應對客誇林

竹日日柴門有駐軒

買地兼園已自饒來游况是百花朝細看却恠林間

笋迸檻穿籬只恁騎

靜處亭亭竹萬竿弄烟濡露不曾寒多我要識前

意弄天色馮渠雪後看

鮑子知我遠載酒鄭生騎驢獨踏春灞上孰如彭澤

竹林休認草玄人

遠村黃子先曾約百畝十年今卜隣元是隱淪須共

酒非因花樹始同春

爲花底恁朝朝出風日清和今古稀傳道鄭生重載

酒寄言花葉莫輕飛

東園遣興再賦十絕句

經宿隔城花盡開園扉深閉蝶應猜小車即病行能
穩一日來看須一迴

朝出看花車暮迴轅西東望復徘徊黃昏蜂蝶休虛
鬧明日深枝花更開

萬蓋千葩枉自奇海棠臨牖獨專姿今人盡仗繁枝
葉國色紛紛却未知

百花叢裏一茅堂獨坐時傳百和香隔簾誰放游蜂
入撲酒衝琴特恁狂

分行種樹非無意穢蕪煩亦用情何事草蒿欺便
得芊芊滿地不知名

舊種丁香間石榴花時榴葉未曾抽試看赤艷傾芳
亂萼繁英何處求

護徑扃園意自知百年今日是花期昨屬客過貪勸
酒僮人背折兩三枝

呼童刈草栽吾菊夾徑分行補種葵怕認野人爲魯
相旋刪修竹起東籬

人生無求心自寬酒香花明身幸安忘憂豈啻憑萱
草蠲忿何勞問合懽

吾園亦在東門外昨日清明手種瓜不信邵平能五
色吾園兼有武陵花

痔不可車旬日乃造於東園春葩向殘夏英
欲起慨焉動於老懷再賦絕句十首

鮑歸昨誇百結勝惜我病阻孤春妍豈謂今開兩荆
樹分枝的的紅煙

桃杏葉尖荷葉圓楊花亂撲如白綿若言春事渾無
曲榆莢緣何亦買錢

昨當春色散年芳競媚爭妍各擅場一出牡丹諸便
歇固知渠是百花王

檻西新筍不太甚一夜迸塔橫我簷汝雖天生剛直
物豈容出地頭頭尖

吾園種種無膠木兩葛縈紆底自芳客到更無愁
酒醉時但以此花傍

情間有時被物惱即無恚怒亦生嗔頻來語燕如疑
主獨立鳴鳩不怕人

爲園偏種閒花草我欲移松無處栽深山豈無誰知
汝可惜凌雲聳壑材

亦知盈沼非源水試放魚苗喜即成敢說寸鱗無變
化煦花吹絮已橫行

花時酒客圍花坐今日紅稀客不看即使盛衰遵物
理何須反覆似波瀾

萬竿美竹修修翠愛此朝朝坐竹中困酒實應慚阮
老揮絃聊竊比嵇公

東園漫興之作

大麥初黃小麥齊櫻桃半熟壓枝低先生阜帽何爲者白首看花日每西

客有欲除我東園草者詩以止之

綠匝紅稀可柰春友車朋馬故應頻行邊莫便鋤閒草但入林園仗主人

牡丹絕句二首

自知國色無倫比放徧羣花每後開獨艷不教霜雪妬先春甘讓凍園梅

李誰與春風殿歲華

葡萄

萬里西風過鴈時綠雲玄玉影參差酒醒試取冰丸嚼不說天南有荔枝

除前五更聞習儀鼓角感而有作二首

蒼龍闕動朝元日玉笋班齊舞蹈時枕上忽聞新鼓角眼中如閃舊旌旗

兩朝舊是含香吏豹隱俄驚二十年猶記習儀端笏地朝天宮裏聽鳴鞭

景帝陵

集古句
九五首

北極朝廷終不改崩年亦在永安宮雲車一去無消息古木回巖樓閣風

望湖亭

與客携壺上翠微千家山郭靜朝暉平沙渺渺來人遠黃鳥時兼白鳥飛

功德寺

憶昔霓旌下南苑江亭晚色淨年芳重門深鎖無人到僧在翠微開竹房

翠華巖

曉行不厭湖上山別有天地非人間安得移家此

老白雲常在水潺潺

香山

二月已破三月來山下碧桃春自開半醒半醉遊三日並馬今朝未擬回

白紵曲

吳中女兒白紵衣薄暮橫塘蕩槳歸荷花港裏無人見驚起鸕鷀隊隊飛

秋風曲

嫋嫋秋風生淥波菱角鷄頭滿御河藻間游魚不知數荷上靈龜渾未多

新立金川書院祠練公父子文碑幸成
力修書院緣樓主碑石新成頗慰心薄劣實慚文太
減特書應不待如今

宴豫齋翁第次韻

面面危樓對曲臺
枝枝花樹向樓開
主人不有生生
意隙地寧容長綠萊

端午曲二首

殿門朝涼虛穀垂
菖蒲艾葉青
離離千尺輓
轡轉金井冰盤薦黍鴛鴦冷
綵繩累累作端午
石青蜥蜴泥金虎
老奴催恩拜統
扇香紗龍頭半遮面

空同集卷第三十六

北郡李夢陽撰

六言十首

漫興六首

北叟臨門種棘南翁過路鉤衣楚楚織鱗水躍英英
鷺翮雲飛

二

鸚鵡窺籠百遍獼猴上樹千迴紫燕銜泥入室黃麋
齧草登臺

三





P2

西海崑丘閨苑仙人王子安期春至蟠桃艷艷秋來
弱水瀰瀰

四

黃帝清遊化國虞皇穆拱玄宮殷主爰消雒雉文王
載夢非熊

五

種豆南山一頃朝來豐草離離豈若藍田種玉何如
商嶺餐芝

六

圃口翻翻瓠葉門前滴滴流湍鳧鷺輕輕不下鴉鴻

三

鍾鳴長樂館樂奏未央宮壽域皇圖迥鉤陳紫極通

四

衛霍干城舊伊夔鼎彝新萬年天子壽四海一家春

望南城

南內夕煙歛玉樓春望空禁錮年年鎖園禽巢殿中

晚出禁闈二首

楊柳南城道芙蓉小苑通內使來調馬君王勅射熊

二

夾城雲氣夕露掌隱金盤楊花白雪亂風起滿長安

東華門偶述

銀甕爛生光盤龍繡袂香但知從內出不省賜何王

采蓮曲

白鷺青天映紅妝綠水遙笑語荷花裏爭蕩木蘭橈

大堤曲

臘月大堤邊春風思宛然楊枝搖白日煙花裊金鞭

藍曲二首

盈盈綺閣女生長不知春開窻見百結背面掩羅巾

二

父母愛少女女是聰明子生不識鴛鴦綉出鴛鴦是

春曲二首

春風度山閣凭軒望江路簾動時有香不見花開處

二

翩翩誰家燕銜泥向何所避人花叢裏忽復梁間語

楊白花二首

三月大路旁綠楊弄芳春可憐雪白花來往送行人

二

寧唱采菱曲休歌楊白花菱生猶有蒂花去落誰家

相和歌

美人羅帶長風吹不到地低頭采玉簪頭上玉簪墜

月夜吟

月出東方高刺刺燈下語漂搖林中籜浙浙如寒雨

九月見花

長安桃李樹秋晚復花枝九陌寒煙裏無風自落時

聞笛

白日掛雲間誰家玉笛聞北風吹楊柳落葉滿關山

曙

城雲白欲曙沙月上猶殘獨步憐紅葉空庭玉露團

望浦煙

客愁何處落滌滌冬浦煙日出浦煙歇客愁還復然

九日京中

白鴈橫秋黃花伴醉遊眼看風物換愁殺仲宣後

正月見鴈

憶昨辭京邑相隨南鴈歸如何早春日獨見北鴻飛

出郭

出郭携尊屢尋園步屣遲莫言春事晚猶是百花時

野望

夕靜山容斂秋凝野色淒白雲留絕巘蒼霧隔前溪

晚出大堤姪葉來迓

烏衣綠楊西雙翻碧玉蹄何由識小阮爲聽紫騮嘶

石頭口竹飲

白日竹林中，隋然脫中醉。風吹亂葉響，醒看江日墜。

南康元日

此日故鄉酒，應慙四千里。遠是處萋萋草，王孫歸不歸。

龍沙晚行

晚風反踈松，琳瑯動仙闕。迴波滾明沙，錯認地上月。

聞夜笛

五月梅花落，羈魂老。笛驚孰能風，月夜更聽隴頭清。

龍沙見新月

毋訝沙如月，龍碁山作後。山如何，今夜月却又學沙彎。

村夜三首

萬物既有息，我亦中林卧。雲開迥水白，地閃飛星過。

二

清林不知暑，一覺群鷄鳴。野壙氣森颯，天空夜虛明。

三

霞明鳥聲起，行人語中路。微微林下風，泫泫花上露。

晚燒吟

早燒不出門，晚燒行千里。達人貴知時，天道有終始。

黃河水二首

黃河一夜冰，日光慘不發。安得萬里鞭，白馬弄晴雪。

夜冰白莽莽風來但飛沙梁園一夜雪枯樹皆梅花

宿蘇門

朝發陽武城暮宿蘇門里卧聽青山鐘遙在白雲裏

是夜雨

北風吹山雲不見山上月蘇門一夜雨千峯盡成雪

泉上獨酌二首

湧金亭畔路細雨不思迴獨酌看流水山花映酒杯

二

白石誰家瀨輕鷗二月湍踏歌逢衛女風景似長干

黃州二首

浩浩長江水黃州那箇邊岸迴山一轉船到堞樓前

二

日落清江遠光搖赤壁山無人說吳魏來往釣舟閑

鄱陽歌

漢水亦太急江渾只恁流何如彭蠡澤清瑩解人愁

雙泉寺題壁二首

寺僻無人行夜雨長秋草山僧出迎客落葉不曾掃

二

我昔寺中遊題詩在東壁三年不見僧見之頭半白

書院

書院今人蹟繁臺古代名樓花苗入燕塔樹不巢鶯

白塔寺

遙訪青蓮宇相將白塔原春風亦自動爭奈碧沙繁

上方寺

飲罷塔廊坐塔深蘿葉垂欲枕石頭臥待有清風吹

釣臺

終日釣石坐清波聞我釣擲竿望山月回見衆魚遊

白鹿洞

白鹿昔成群鹿去誰復來樵子暮行下洞中雲自開

聖澤泉

嘈嘈鳴山泉日日噴悲壑日照一匹練空中萬珠落

枕流橋

峽急豈有心臨橋石相激鷺驚橋上聽夕陽人獨立

風雲石

倚崖坐孤石北對五老峯中有千尺虹掛斷巖上松

門前溪

山溪信清淺入海作洪波果向地中轉應隨天上河

迴流山

登山眺四極一坐日每夕行看夜來逕苔上有鹿跡

井

新穿崖下井微霞映深靜松風時來拂娜娜匡岳影
開先寺五首

瀑峽生煙暝山杯坐不歸籠燈過潭水疑有玉龍飛
二

潭色何所似黛玉空人心可道清見底龍蟠不在深
三

瀑布半天上飛響落人間莫言此潭小搖動匡廬山
四

正垂千仞瀑隨風下山去吹作半天雨飄散不知處
五

五

飛瀑湧寒峽流雲靜幽壑夕日倒峰影杯中雙劍落
宿開先寺

僧閣暮鐘靜夏涼風色幽月出照瀑布猿啼西澗流
歸宗寺王右軍故居

夕日照何寺夏雷喧此峯惆悵昔人去空餘山澗松
吳溪

三年作楚客五月度吳溪日射桃花嶺松陰鷓鴣啼

望龜峯

龜峯歸遇雨徹夜鳴不歇起望昨遊處惟見滿山雪

江行雜詩七首

十八灘都盡舟人慣不勞可言灘石險難測是平濤

二

仄壘中江石衝濤萬古存遙看疑砥柱偶問識銅盆

三

日月東西照支江南北流鷺飛如導鷁橫吹不驚鷗

四

迎送山相似舟移迷北南回看阜口日已照石華潭

五

沙洲潭占恠攸鎮驛幽絕四圍青山映鷺棲蒲林雪

六

日出青蘋濕江渾路不分昨宵驅雨至知是海南雲

七

落日沒前灘雲移鳥欲還除巾不即卧恐遇絕竒山

新庄漫興四首

昨來杏花紅今來杏花赤一花復一花坐見歲年易

二

出城每自醉斜陽工芳草黃鸝枝上鳴花落有風掃

三

逕樹團成蓋原草綠如翦盈盈車馬客時來弄春醖

四

未有此庄時對酒無處飲今來庄上遊卻恨酒杯緊

紫霞洞主歌五首

朝霞弄海色閃爍如金蛇回光照巖洞駕我青鸞車

二

雲洞窈窕行覓石髓食蕞蕞古苔上有書字不識

三

丹霞熨朝旭桂葉一何蒂中有騎鶴人下上隨雲氣

四

朝餐赤城氣暮攬岷浮色常有瑤草花寒至不曾識

五

石泉嫋長蘿煙翠滿山室忽聞空山中音幽人弄瑤瑟

田園詩五首

暑日郊出頓野意差自適鴉雀間繁陰榴葵乃炎赤

二

初日暑力薄單車歷城曲隍颺卷蜻蜒行帶舒復促

三

掘塹不數尺及泉水忽湧誰為辦佳藕我今畜魚種

四

淤泥獲拳卵蛇龍誰即分夜看置頓處似有五色雲

五

園荒蒿藿長手鉏薙其穢那解蒼蔚區中有吐芳蕙

寄徐子二首

紫閣朝回夜金尊月映空
祗應徐進士遙憶李郎中

二

東省堂前樹南陽宅裏花
春風如往日夜月向誰家

贈何舍人

朝逢康王城暮送大堤口
相對無一言含悽各分手

寄都主事穆

江草喚愁生思君黃鳥鳴
遙心將夜月同滿闔閭城

送余客

自寄還家信閨人數月圓
住看沙溪口終日間來船

送人

頗訝楓林赤無風葉自鳴
來人與歸客同聽不同情

贈客

出郭江南望暮天雲北飛
斷蓬寒更轉長路幾人歸

過夏口寄惲君

君居楚城裏我傍楚城過
相思連夜發無奈是江波

諸公石頭口舟餞

北巡察案合舟餞此江潯
晚別隔煙浦猶聞橫吹音

寄黃子庸東

昨遊梅嶺畔翹望嶺南雲恰屬梅黃日何由攀贈君
潯陽寄耿叅政致仕

送鄭生

連年卑濕地無日不思歸况在潯陽見君帆獨北飛
桃花浪初起三月爾江南萬樹垂楊色相留照暮酣

送人赴舉

寶劔動連星金鞍別馬鳴持將五色筆奪取錦標名

贈王左史二首

林卧每倦出時或一乘馬來訪王相國醉歸月明下

石家百甕酒留連胡不飲花月我自來醉即花間寢

贈劉東

洎濱三月時花滿扶亭道翩翩白馬歸青袍亂芳草

戲鄭生求歐帖看

徽州鄭季子動輒古人師昨特衝秋雨因來問墨碑

送酒鄭生

旅食沙林暮年華北鴈春誰憐竹葉餉同是采薇人

送王生北行二首

紫轡銀鞍馬青袍白面郎揚鞭萬里去謁帝入明光

二

朝散午門西春風起御堤上林花半發幾處早鶯啼

觀袁永之樂府戲裁子夜歌二首寄之

為問閭門柳年來青若何館娃明月夜醉擁越兒歌

二

日暖春波綠湖平一鏡天船船載歌舞爭向綠楊邊

詠李花

城東萬李樹此樹獨鮮奇竟日風開落無人誰得知

詠鷺

獨立娟娟鷺驚人離石磯遙看一片雪深映碧山飛

獲麕

小鹿何山得出山人幾時笑爾深藏晚無言獵者知

饋鴈

失卻風雲翅來遊君子門未辭弋客暮終荷主人恩

花鴨

花鴨靜雲衣娟娟去草依臨池挾頸卧夢拂楚雲飛

鶯曉

靦睨夢中迷流鶯出若樹西起來紅日照已度別枝啼

詠螢

葉暗輝輝度孤明何自知月臨光不掩星亂影須疑

名花

名花似美人娉婷心應絕夕陽時獨立風起滿林雪

炭篋盆架

以下獄中八物

編荆為團籠本以助木炭今匪用炭時聊以助吾盥

砂鍋盆

砂鍋注清泠洗面逐洗心其器苟不潔徒稱玉與金

船板牀

船板胡在茲而我一履其上情知非江湖夢寐亦風浪

輓枕

盧生枕竅中哀

竟何用我枕城輓卧無竅亦無夢

蘆蓆几

古人席地坐飲食俱在茲今人設高几翻謂古人卑

坏墩

晨興坐茲談而亦坐茲食為言同寓子尚念埴者力

麻繩橈

何以架我衣麻繩撐兩柱諒有解脫心與子同一處

葛衫帳

酷暑睡不穩解衫周四圍但阻蚊虫入無遮明月輝

漁村夕照

以下畫相八景

西陽下洞庭網集清潭上一丈黃金鱗可見不可網

山寺晚鐘

美人杳何處
盈盈隔秋水
遙遙雲外鐘
日落暮山紫
平沙落鴈

西風萬里鴈
一葉洞庭秋
群浴金沙軟
瀟湘霜氣流
江天暮雪

長江浪滾雪
煙黑花爭飛
可恠橫流者
孤舟一笠歸
洞庭秋月

天水本自空
圓月况秋映
晶晶起霜色
千里一懸鏡
瀟湘夜雨

夜響起秋竹
浩浩楚雲白
曉來看沙觜
新水添一尺
遠浦歸帆

秋風五兩席
點點聚復散
不信小小烏
飛飛速征鴈
山市晴嵐

峯晴堆夜嵐
晨炊翠猶濕
但聞山鳥鳴
不見鳥出入
薛荔園

以下寄薛祥
學士園亭

芳園翳薜荔
水石非人間
昔聞西洞庭
今爲學士山
恩樂堂

肯堂欽古訓
修祠報前功
酌洞歌行潦
采蘩遵石風
石假山

磊音成我山
雲氣遽裊裊
勺水即溟渤
拳石是蓬島

水鑑樓

風吹池萍開 天空水如鏡 幽人時凭闌 下看行雲影

風竹軒

吾軒自有竹 暑月常寒聲 山靜無風時 滿杯空翠生

蕉石亭

看石忽有詩 攀蕉書其上 夜來雨打葉 驚聞金石響

觀畊臺

洞庭有興雲 太湖無落波 登臺問農者 不勤將如何

薔薇洞

洞口薔薇密 石花壓雲濕 曉采枝上露 不知鶴飛出

荷池

山風吹水香 脫巾池上坐 盈盈千歲龜 飛上荷葉卧

栢屏

堂堂千尺材 爲屏忍屈曲 終抱凌雲情 不改歲寒綠

留月峯

峯竒自成竅 似月非有心 月來爾何意 徘徊光與深

通冷橋

雨過崖水響 石梁裊山澗 晴天掛一虹 溪斷雲不斷

花源

落英泛流水 點點如飄霞 爲有問津者 不敢種桃花

空同集 卷五
鈞磯

磯根浸寒水
細草綠如髮
夜魚不受餌
石上坐秋月
雜言四首

三五七言

天秋暮月如素金
窓隔烟紗花檻流
螢度良人遠
戍玉門西誰念空
閨玉箸啼

四六八言

五堦風發蕙花時
歇莎鷄夜鳴
衰草捲簾獨望秋月
黃雲沒萬里之關
山使妾空老而凋
紅顏

三五七言

望雲海陟高京
秋風令百物
天地何冥冥
黃河岸頭能覆車
何況羊腸詰曲行

四六八言

明月在隅
蟪蛄夜鳴
仰觀天上
列星三三
五五成行
憐慄悽兮
不可以寐
嗟哉四時
之氣靡常

空同集卷第三十七

族譜六篇

例義第一

北郡李夢陽撰

李夢陽曰往君子謂予曰歐氏譜蓋有遠胄之謬然歐蘇譜又率詳其所自出乃益知不可矣

夫名實者不可以亡紀也子孫而不錄其先人是悖亂之行也夫李氏於吾乃亦可譜也已于是作李氏族譜

夫李氏莫知所從來矣傷哉或問何故曰二孤方齟

而貞義公及于難

夫李氏四世有三宗焉我曾卽我始我祖繼之宗者
孟春乎繼別釗乎繼禰孟和乎

予聞之先輩曰國有史家有譜嗟乎生死出處之際
大矣要之不離其事實不然後世何觀焉今人多不
務實予欲觀者彷彿其咳貌故不暇忘細小

或問譜至兄弟行而止李夢陽曰夫是後予安能知
焉

世系第二

諱恩

子諱忠

子剛

子

冉冉高搏

月夜泛湖二首

水天上下一色棹鳴波月同翻漁舟款乃何處旁山
杳冥吐吞

二

月鷺驚飛不見遙看片帆影來雙槳未如飛蕩去一道
流光鏡開

明山草亭

舊葉門前五柳綠橘黃柑數畝煙霞不負閒身社稷
空餘白首看月天柱峯頭採藥洞庭湖口扁舟薄暮

歸來疑是滄波釣叟

南康除夕

夕陽山色湖波將
春夜寂風和何事
隣姬獨哭誰家
金鼓時過客舍
蕭蕭酒燭歸入
杳杳關河覽鏡
顏容尚在方言
兒女能歌

五言絕句一百四十八首

神京樂四首

薊谷襟東海居庸鎖北門
王者本無外天險壯乾坤

二

天回金氣合星順玉衡
平雲生翡翠殿日麗鳳凰城

號吏隱公者諱正字惟中處士公第三子為阜平縣
學訓導陞周府封丘王教授卒贈承德郎戶部山東
司主事加贈奉直大夫戶部貴州司員外郎以正統
四年十二月二十二日酉時生弘治八年五月十六
日巳時卒年五十七歲葬城南十里所地曰高家平
娶高氏生三男子三女子

生一男子

生卒缺

璫軍漢公第二子為散官景泰二年十二月二十八
日生娶范氏

麟主文公子娶劉氏無子生卒年並缺

孟春陰陽公子成化六年正月二日生娶王氏

孟和吏隱公子字子育為散官初名茂天順五年十

二月十日亥時生娶孟氏

夢陽吏隱公第二子初名萃娶左氏

孟章吏隱公第三子字汝含成化十七年十月十三

日午時生弘治十二年十一月二十日午時卒年十

九歲葬扶溝縣東北四十里地曰大岡大岡者王氏

居也娶朱氏生一女子

劉璉子成化四年十月十日生娶劉氏

大傳第四

李夢陽曰予長而有知矣予是始采先世之載
仰天而哭之曰逝哉寥乎是予之罪也夫是予
之罪也夫杞宋之事孔子蓋傷之焉于是作李

氏大傳

傳曰號貞義公者不知何里人也而贅于扶溝人王
聚王聚以洪武三年歸軍於蒲州已又自蒲州徙慶
陽於是貞義公從如慶陽乃王聚不欲盡徙于慶陽
而以其弟王三公守扶溝而世居扶溝大岡北兵之
起也貞義公戰於白溝河死於是公有二男子纔數

歲會又失母故不述其父聞之父老曰貞義公蓋長者也然卒不免于難去貞義公二子其後皆冒王氏以贅故是時又梁陳氏田氏爲一戶而一戶四氏然予聞白溝河之役于時糧道絕人者煮馬革食及啖騾馬溺已又盡殺其騾馬食之又人相食積屍蓋若山丘焉慶陽衛有曰王指揮者統治其軍時亦死之

往先君謂夢陽曰貞義公沒時處士公蓋八歲云是時母氏改爲他氏室而公乃因不之他氏食零零俾俾往來邠寧間學賈爲小賈能自活乃後十餘歲而至中賈云寧州有李媪者竊睭公異之迺因妻以女

而公卽不知爲同姓聞之長老曰處士公任俠有氣人也卽少時而好解推衣食衣食人于是閭里人皆多處士公處士公顧愈謹治生日厚富有貲郡中入用貲無問識不識皆與貲於是郡中人亦無不多處士公處士公載鹽過閭里與閭里門斗鹽及載菜卽又與閭里菜率歲散鹽菜數十車於是閭里率歲不復購鹽菜而俗謂_對吾人爲佛處士又治佛因號曰佛王忠於是佛王忠之名蓋郡中矣長老曰處士之死則以田氏予退而問先君先君揮涕曰往田氏爲仇家者殺處士怒赴朔行于是仇家大懼乃使郡中諸

豪長來行百金間不解而仇家故大有財勢可使官
及處士赴愬至官置不理反又繫處士於是處士益
發憤怒病且死仰天呼曰天乎予何罪竟死獄中是
時無問識不識咸切齒仇家故長老至今語曰訟事
無天蓋傷處士云耳然予聞處士葬時有地里家張
生指其地曰此必有後豈不謂天道哉

軍漢公則嗜酒不治生好擊雞走馬試劍卽大仇醉
之酒輒解顧反厚年八十餘竟無疾卒

主文公處士公子諱剛稱王剛爲衛主文好氣任俠
有父風處士公不喜厚富蓄會暴卒出穀錢家又多

不還以故日寢貧至家徒四壁立於是人竊笑李氏
主文公於是痛哭往來里門罵竊笑李氏者曰若真
以李氏無人耶罵且行卒無應者而止則撫二弟背
哭曰若卽一不樹立我不能爲若兄主文公嘗以事
至京師有美貲廼畫買學士家言拜曆數家歸訓其
二弟二弟卒各擅其業主文公頰面鬚髯然爲人強
力使氣常勒里中子弟主辦事子弟毋敢後里中置
酒有主文公主文公不至毋敢先飲敬憚矣而軍漢
公在軍中乃私券我產給其直酒之人卽持券來收
我產主文公怒不言第礪利刃然色常在持券人持

券人覺之走主文公乃憮然曰咄此奴走矣已復天
罵跳伏地死券者乃大懼呼天曰天天寧主文生不
願得屋直頃之主文蘇券者乃卒不敢復言直矣主
文公夜出龍泉道見巨人長數丈以疾卒

曰慶者處士公次子也精地里陰陽家號王陰陽陰
陽公更嗜酒王氏軍故成花馬池營陰陽公代徃戍
至以數千其將將用之一日寇至將問陰陽公計安
出陰陽公曰某時戰勝將曰有何應對曰行三里當
見紅婦人應頃之驗戰果勝將大說于是尊敬陰陽
公以爲上客而使其盡監軍中馬馬軍率日持雞酒

公陰陽公則日弄酒狎侮諸吏士奴僂之諸
吏士不堪也乃於是盛惡陰陽公于其將將後亦頗
疏之陰陽公卽又嫚罵將把其短將懼逐之還陰陽
公乃於是遨遊郡山岩中爲相埋然數竒中埋家廉
其性但具醇酒更不索錢也過他陰陽埋所卽未善
公熟睨之曰凶乎問其家凶矣他陰陽又重錢自是
郡山岩中不復請他陰陽他陰陽皆窮餓不得行因
謀擊殺陰陽公投川窟中頃之陰陽公蘇稍聞窟上
語而不知擊已者乃呼曰救我救我窟上人更復擊
遂死陰陽公卒頃之水暴至失其葬處

嗚呼我李冒王氏者蓋三世矣至我先大夫而始復
李氏云先大夫處士公子而號吏隱公吏隱公年九
歲喪父而依於伯氏伯氏教之則嚴也十二三歲時
伯氏傭書造里籍乃伯氏不自書顧令吏隱公書吏
隱公卽善造書伯氏乃大喜竒之顧反嚴吏隱公訛
一字伯氏一扑其掌久之掌墳赤公啼泣里父老見
之爲蘇蘇隕涕曰夫紙易得耳柰何至是伯氏乃竊
仰嘆曰嗟乎吾寧爲紙惜耶乃後故稱善書者咸出
吏隱公下吏隱公少貧賤徒肫肫有至性重厚寡言
辭十八九歲時從伯氏往見邵道人道人者異人也
不言見公第信兩手食指出耳上初不解久之伯氏
悟曰謂紗帽翅耶道人頷然之伯氏益又喜於是始
議學事矣吏隱公年二十充郡學生始受籍於師日
誦百千過不成誦於是諸後生成目笑公公第誦愈
益苦居歲餘夢登危樓遇織錦婦於是織錦婦以色
絲金鍼寶鏡貽公而公自是輒彬彬有文學矣然又
獨數竒夢比試諸後生卽不復記所誦吏隱公顧記
所誦文又高故常冠諸生吏隱公嘗夢試目驗比試
諸生輒叩公曰何夢卽未夢公戲謂曰某日某目輒
又驗諸生以爲神郡學歲一人貢然二人行梁生貢

公次當行梁生稔公文高懼與偕因要公置酒奉百
金壽因辟席頓首請欲自行公許諾卻其金不受人
曰甚哉李君之慙也垂成而棄厥功公聞之仰天嘆
曰嗟乎是安知予哉卒讓梁生行明年吏隱公貢次
者王生王生者公師也即亦置酒要如梁生公又卒
讓王生又踰年公迺始貢是時年三十五矣是年爲
阜平縣學訓導公爲訓導三月而提學御史閻禹錫
至真定牒屬各以其徒來赴集先是御史至真定率
牒屬來赴集阜平生集則率曳公羽鞋人挾煙熏帙跟
踏行見御史及見御史輒又自註明試目即不從則相

顧脫藍衫走御史迺顧追呼曰子聽試目如若所
自請目而公之赴真定也戒諸生毋仍曳翁鞋毋人
挾煙熏帙帙會割以板夾扛之行又戒毋輒自請試
目稍井井矣而御史禹錫始至而弗省也尚怒而督
責諸學吏於是吏隱公退而上書陳教化變易之事
其略曰夫明者知往者也特者俟至者也故曰違時
者不明疆勢者不行故拂是以樹信則虛而鮮功替
者武王克殷殷餘民弗賓也而武王舍之然武王不
以其故貶王周公纘武王無競之烈使二叔監殷而
二叔以殷畔然周公不以其故損明故曰王者必世

而後仁見小利則大事不成夫阜平河山之陋邑也
地有栗椽棗柿之饒其人山居草處犬鹿豕皮蒯履
布襪挾桑弧毒矢日出射猛獸狐兔饋糜而給朝夕
夫前代不復聞已自國家興百有餘年士茲然而科
第之事罕焉竊未聞有尊官顯人者產于其間也此
天下之所共笑也今足下足跡未涉其境乃思以一
旦變易其俗望之以詩書禮樂之事其亦不爲善變
者矣且足下信賢聖然不能過武王周公某誠善教
必不能以三月之久而遂變百年之俗今天隴山有
其名曰鷓孰不謂其能人語也然不能籠縶之不宛
轉相道假以年歲烏鮮有能語者焉故籠縶之以制
性也宛轉相道以發明也假以年歲俟其變也夫三
者備矣然後可以責効而議功今徒見其朱喙而綠
裳也乃輒怒曰烏奚不人語也是惡可哉御史禹錫
覽書乃遂不復督責諸學吏顧獨禮貌公公在阜平
五年以母喪歸起爲封丘王教授王故機辯人也公
侍王執重訥人曰若是必輕於王公笑曰是不善事
王者也顧益謹王一日設醇酒大醉公起而伺屏後
令左右乃遽難公公悛悛如在王前於是扶公出尾
之行公竟無他語然已齁齁睡矣王喜遇反厚王有

問公吐心對酒公公輒醉醉悛悛如前時王於是益復喜尊敬之嘗自脫其貂帽及綺麗衣錫公每事必曰李先生李先生云見禮如此一日王醉握繫帶謂公曰予比殊好闊帶公方醉第免冠觸地賀王王蓋自是省矣公在王門十三年沈晦于酒然時人莫識也公酒酣嘗擊缶歌曰人欲爲貪吏貪吏殃及子孫人欲爲廉吏廉吏窮餓不得行我今旣不爲貪吏又何可稱廉吏王門之下可以全身避世於是乃自稱吏隱公云吏隱公方面鬚髯腹便便垂然爲人德厚鮮矜伐人矜伐公屏負壁立終不言又不校長短故無大小愚智咸亦尊敬公公醉自外來兒女走扶牽裳行公婆娑舞歌至若火盜事家人卒遑擾公方宴坐睡鼻齁齁如雷已不更問也此其度量可與淺見寡聞者道邪然予又聞公至向學往貧窶時受詩于合水韓公嘗大雪公單衣曳破履行嘗夜行歸雪甚廬蕭然無煙也禮曰傷哉貧也今子孫豐衣足食日鞭笞不務學豈復念先世哉公之卒也則以吾母高夫人往高夫人卒喪過大梁公請於王行無何道病輿行抵慶陽舍興教寺頃之卒王聞訃痛踊泣數行下使使來賻且會葬此其克厥始終者故載

曰璉者軍漢公子善機詐把持人一日大寒軍漢公子從環縣來以啖冷羊肉又飲冷酒臥地上致疾卒李夢陽有弟曰孟章小字曰周張周張生十三歲而喪母居無何又喪父依於伯氏仲氏頃之病竟卒李子嘆曰弟之死蓋傷予心焉弟生而當成化辛丑其時吾家有吉慶事大置酒會其日周知府茂張指揮使瑛以羊酒來賀此兩人至而吾弟產故曰周張秦俗呼絕乳子爲老生子故弟又呼老生子云弟生而巨口高顴骨隆隆起髮際名爲伏犀七八歲時猶啖乳有氣力然矯捷善戲善打毬綴幡騎竹馬群兒莫先也弟又好舔竿擊撲蟬打蜻蜓又放風鳶父母以其有奇氣時時折辱之不可下迺後父母歿弟因而省悟始折節誦書史日記二千餘言其後弟頗好與黃冠人遊其伯氏見其日與黃冠人遊怒罵之曰夫吾家業詩書世有顯名焉今傳汝汝柰何弗省弟知伯氏弗已悅也於是間說之曰夫人生日劬劬勩勩何爲者與是非爲名與利哉夫秦我者戕我者也軒冕者桎梏我者也今釋養生之道不務乃日劬劬勩勩與利名爭是亦益速自戕爾長老有言曰上牀脫屣不知生死言日暮難保也夫神仙黃白之事天下

之至妙也弗汨爾之形不搖爾之精取之自盈而與事無爭是大道之程也夫儒生薄此而不爲者徒以芻豢可以厚生而軒冕可以耀名也夫芻豢軒冕是不可必得者也乃今汨汨以死効此非天下之大愚與伯氏曰夫子日見芻豢軒冕者于道路也而不聞有見仙者也夫仙庸其有乎弟對曰不然夫雞鴨有翅飛不越尋丈何者其分卑也故飄飄遺世以獨立者上仙之分也今吾非不能力致富若貴乃亦醜其與雞鴨等伍已矣伯氏不能奪其說迺問曰夫黃白之事亦可爲乎弟對曰可寧隆三足納汞貫藥者之

桑木之火厥候不爽而大藥可成也大藥成可以爲黃金黃金成而可以爲長生伯氏於是積桑木之薪購水求藥置鼎於前乃令弟爲黃白之事弟爲之踰月而藥不就於是伯氏以爲賣已乃大怒將笞之弟恐於是棄其妻奔京師而依仲氏會仲氏如通州弟從如通州仲氏覘弟有異材於是教之以先王禮樂其仁義道德之說弟乃幡然改悟而著論以自解其

答曰夫神仙者天地之大盜也夫人有君臣父子夫婦兄弟者非以立爭也將以禁淫而範邪也今神仙棄君臣父子夫婦兄弟之倫不務迺日思高翔遠舉

以遺世絕粒此滅生之道也夫束手而不務滋殖而變幻金鐵欺世以盜利此道民爲奸者也是故先王之制禮也朝饗夕餐以防踰也春耕而夏耨以教勤也故教義立而民不惰夫君子之立於人朝也非以芻豢足以悅口而軒冕足以華體也故曰治人者食於人故芻豢軒冕者報功者也今一槩以爲戕我則必盡除天下君臣父子之倫而後可是豈人情也哉弟於是不復再言神仙黃白之事顧嚶嚶然曰夫六經者則譬之鳥也諸子百家者羽翼也予盡讀諸子百氏以探知六經之紀然後約於道然是時弟已病不能行也弟爲兒時業自言火蒸蒸自丹田起衝腦眩暈後怕病熱卒死彼諺有之曰入田觀稼從小看大言有兆必先也由是言之弟之談說仙術其亦弗祥也已矣弟病革時其妻抱女適自梁中來弟屏之弗與語顧惟與仲氏語比卒氣充充不竭第索火瓦熨兩足已而曰冷過膝已乃出左右手令仲氏診而絕此弘治庚申冬事也噫傷哉傷哉李夢陽曰死生之際可以觀人矣弟年十九而能不死于女婦手此可以觀弟

贊曰桓桓鼻祖爰義爰武膏血草野我祖蹶厥家若

厥土爲山金出於砂賙急振窮視如泥沙歎仇殞躬
冤手冤乎爲善罔獲大母秉貞蹈仁艱關育孤固窮
安節李氏之孟陶乎伯氏憤震中葉再振二弟不罹
於天孤胡絕不祐仲驕矜能載殞厥身亦卒不信我
父砥行茹毒允基允耀而弗祿弗考於惟母氏艱貞
起厥家佐夫敬姑長我六雛躬瘁形竭不膏不沐今
子孫茹甘策肥服利食德矣孰知所從來卽論諸家
世享不逮冤已汝含之英發先世之遺烈乎苗而下
秀又何故也

外傳第五

王氏貞義公扶溝王聚女改適

李氏處士公寧州李媪女諱曰綿是曰李夫人李夫
人訥訥寡言好顧喜坐竟日請飲食則飲食生洪武
三十三年二月二十六日卒成化十五年十一月十
三日年八十一歲寡節蓋三十三年云墓在底不河
北山與十五里堡直而稍西

鄔氏范氏並軍漢公並葬范家峪墓

生卒

王氏主文公葬西河岸崩今無冢

生卒

劉氏陰陽公葬赤城廟旁

生卒

高氏吏隱公諱曰慧贈安人又贈宜人是曰高夫人

高夫人赤城高家女父曰高成母曰劉媪劉媪故居小十字街生夫人生六月初我大父有養女卽高族女曰朝華將贅壻大置酒會有劉媪劉媪抱夫人往我大父見之大驚曰安得此福女聞面大耳者因求劉媪聘吾父及期吾家貧乃徒以酒肉往請期劉媪怒數破酒擲肉不得請久之或說劉媪曰而女終不聘乎劉媪悟於是乃具粧奩送夫人歸夫人歸者無何貧愈甚夫人無怨言乃獨曰此天也先大夫出務學夫人則豢賣雞豕及酒醋佐先大夫學及時時負薪水行人見之率憐苦去夫人弗苦也然夫人性

至嚴重好鞭笞僕奴雖家人嗃嗃而蒸蒸無間言貴有婦矣然猶日視米鹽零碎物及酒食與雞馬食卽與雞馬食不肯妄用粟至見哀憐人則咨咨不已周濟之此雖其小細可以觀大德焉夫人生正統五年五月二十五日子時卒弘治六年八月二十九日巳時年五十四歲祔葬高家平墓卒後數年而有封錫之命

馮氏璉改適

范氏名葱瑄景泰六年九月九日生

劉氏麟改適

王氏孟春成化十年正月二十一日生

孟氏孟和阜平人天順七年二月五日生

左氏夢陽

朱氏孟章改適

曰海處士公女適任昌

曰喜處士公第二女適黃景

曰智軍漢公女適張某

曰香吏隱公女適曹經

曰真吏隱公第二女適王璽

曰三姐吏隱公第三女生成化六年七月十五日卒

成化二十三年正月十五日年十八歲葬于開封府

東門東門者宋門也

譜序第六

李夢陽曰夫君子述事必有所由從於是作例

義第一譜以明世于是作世系第二夫永短行

窮異數於是列名諱生死之紀作家傳第三然

死者要用其本末于是作大傳第四予觀記有

外戚馬家國一道于是作外傳第五然必列序

本旨于是作譜序第六

按氏族李氏肇自帝顓頊顓頊有曾孫曰咎繇為理

官因姓理氏外各繇裔孫有曰理利貞者迺難伊侯之墟食木子于是更姓李氏其後枝葉布散徧中國至周則有藏室吏曰李伯陽或曰伯陽母居李樹下生伯陽伯陽生而能言指李樹曰此爲我姓故姓李名耳此其言不足據至漢則有隴西趙城之李最顯著諸李莫敢稱並隴西之後生唐高祖是後枝葉愈繁布徧天下然無專並百姓如隴西趙城者迺後不知何自有貞義公貞義公有曾孫曰夢陽

李夢陽讀詩至伐木一行葦諸詩未嘗不廢書而流涕也曰厚哉先王之于人也夫建利以定義品制行矣

九族有章五服經矣疎疎而親親冠履既著等威異矣于是乎有燕享之禮會聚之節有周恤慶唁之文是故易曰天與火同人君子以類族辨物由此觀之同異著矣嗟乎非先王孰能爲此哉今世俗廢此不講人私其所幸好心志乖僻無據忌忮滋起其極也至父子不相容婦姑反唇而相稽甚者乃兄弟以兵相屠擊矣當是之時人心如豺虎據食則露斷相狠惡有思其類者乎故曰專利者無親亡義罔上則民不附信哉是言也漢唐而下縉紳學士有意於合族者不尠然要之出于躬親爲當故萬石君木訥人也

不言而躬行故其教不嚴而治不肅而成此豈聲音
笑貌者耶今人多務名好侈大家世無慘痛惻怛之
實及若郭崇韜拜他人墓為祖即使有合族之志體
先王燕享之文制為飲食會聚使其相周卹慶唁其
子孫能盡遵不邪且崇韜以為王侯將相果有種乎
予為是懼今譜傳第采其事實欲子孫知先世起家
之難使知孝敬之本艱貞振厲之操與勤儉之原然
李廣至德厚得士大夫心此與萬石君何殊及孫陵
降匈奴自是李氏名敗而隴西之士遂耻居門下此
豈垂統者之過哉鄙人之言曰何論根株幹大則枝
斜斯言雖小亦可以喻大故一命之士而布衣之徒
能潤色名行設禮義法約統治其族人此亦豪傑特
立之行非苟而已也傳曰苟非其人道不虛行吾子
孫竟安如哉然世俗恒憂其子孫不富貴余甚悲焉
今高車駟馬功名著於春秋積金丘王者豈少也然
至于其族屬則疏矣故有千金飾裘馬而族人則衣
懸鶉出本於第弟算無遺銖已及聚朋輩則宴游日
歌舞故見尊官豪賓足怙怙如有緣至見族長輩或
不下車也其悖禮可勝道哉孔子曰其身不正雖令
不行斯其人使處父子婦姑兄弟必皆不能至道此

廢古之大患也正德二年歲在丁卯冬十一月序

此序也

正德二年歲在丁卯冬十一月序

此序也

正德二年歲在丁卯冬十一月序

此序也

正德二年歲在丁卯冬十一月序

此序也

正德二年歲在丁卯冬十一月序

空同集卷第三十七



